

"DAI CHE TE LA CÜNTI"

Soprano (S.)

Alto (A.)

Bass (B.)

Piano (P.)

## DAI CHE TE LA CÜNTI, DAI CHE TE LA CANTI

I giurnaat eran sempar istess, de nocc la lüna e 'l suu del dì,  
züch e melun ala sua stagiun, e la pulenta de furmentun.

Dai che te la cünti, dai che te la canti,  
dai ca te la spieghi la mia impresiun,  
dai ca te la suni una bela canzun,  
adess ohimè .... gh'è la televisiun

Düü tumatas e un scigulin, al pan de mej e una taza de lac,  
un züpinèt cunt al grass da rost, un bel sognèt e pöö serum a post

Dai che ta la cünti .....

Cunt i zocar apena impataa, i culzun nöf cunt i pez in dal cüü,  
un gran r'gichè sura 'l gilerin, faseum propi 'l nost fügürin

Dai che ta la cünti .....

Vanga e zapa, zapin e restel, un bel purcel da ingrasà e tirà bel,  
a laurà ta ciamava 'l gal, che inscì 'l capun al faveva a Natal

Dai che ta la cünti .....

La Messa prima e 'l rusari ala sira, i litanij e la benediziun,  
suna i campan, l'è l'Ave Maria, ora pro nobis ... e così sia.

Dai che ta la cünti .....